

吳江縣志

1933.11.20

34

部三三

吳江縣志卷之十二

田賦一 額徵

吳江縣田賦之因革自五代歷宋元舊志俱略故采盧王二郡志及文獻通考正史諸書補之以稍存梗槩明初至成化間史志最詳故多本焉而參以他志及史書其因革亦大都可見中葉以來當事者隨時整理復屢有更張在嘉靖則見於王儀之清理田糧冊在萬曆則見於石崑玉之經賦冊霍維華之履畝清丈冊尹申之賦役全書入 國朝則見於順治十四年之訂定賦役全書康熙十九年之簡明全書及縣之分則見於乾隆三年之重修賦役全書考其先後因革率遞相承藉亦有前明法制而至今仍之者若循徐葉二家例獨詳於今不惟數百年田賦之源流莫得而悉即今所行者亦無以知其因革之自故今本徐志載嘉靖間冊其更定於萬曆及順治康熙間者皆以次列之而繼以乾隆間所定庶今與昔埒然其可考云

吳江縣志

卷十二

田賦

舊吳江縣之田賦在五代錢氏時畝出三斗

史志云錢氏令民田畝稅二斗然其國都尚近舟備車雇之費不甚多止

外無加賦故其民未困

其總數無考

宋景德中遣王贊為轉運使均兩浙稅額悉令畝出一斗

本龔明之中吳紀聞但龔紀繫其事於太宗則說按

蘇州盧志引王珪撰女墓誌云景德二年贊為兩浙轉運使是太宗當作真宗也
○日知錄云宋淳祐元年鮑廉作琴川志曰國初盡削錢氏自配之目遣右補闕王永嘉象先各乘遞馬均定稅數只作中下二等中田一畝夏稅錢四文四分秋米八升下田一畝錢三文三分米七升四合取於民者不過如此自熙豐更法崇觀多事靖炎軍興隨時增益然則宋初之額尚未至一斗也。姑蘇志云按宋史淳化中田制為三品膏沃而無水旱為上品沃壤而有水旱之患塿瘠而無水旱之虞為中品瘠瘠而復患水旱者為下品上百畝中百五十畝下二百畝只計百畝十收其二恐無若是之重也今按十收其三之三當作一 吳江蓋亦減三之二其總數無考

祥符中夏稅絹九千六百匹紬四百五十五匹綿七千六百斤秋白粳米五萬二千石

各有奇

此及下條并淳熙一條並見徐志莫志但云宋秋糧正米四萬六百八十六石有奇不言何朝亦不及耗米

按文獻通考云初湖廣閩浙因偽國舊制歲斂丁身錢米所謂丁口之賦大中祥符四年詔除了錢而米輸如故然則此所云白粳米五萬二千石乃併了米在內

作數也詳見雜稅篇

元豐三年歲輸帛一萬三千匹苗五萬八千斛續四千一百兩各有奇

按祥符中紬絹共一萬餘匹而此年帛至一萬三千餘匹蓋併入丁絹及和預買
紬絹作數也詳見雜稅篇

南渡後十五等田稅額公田畝租七斗一升四合至一石五斗圍田畝三斗或四斗

沙田畝二斗或三斗成田畝二斗營田畝二斗或三斗或四斗莫志云營田畝四斗或三斗二升

職田畝六升三合五勺至八斗七升凡十三等。莫志云職田畝八斗七升或六斗三合六勺按莫止二等與此大異疑

莫常平義役社倉四局官租養濟局居養院囚糧七等田畝租並高不踰一石

五斗下僅二斗民田畝三升或五升此皆名爲正米正米外每石更輸雀鼠耗

二升名曰耗米總其入夏稅折帛錢五萬三千五百三十七貫秋苗米四萬六

百八十一石各有奇見史志

按夏稅折帛錢正稅也其外有和預買折帛錢詳見雜稅篇

吳江縣志

卷十二

田賦

二

紹興初年令立價納兩浙等路夏稅折帛錢至十一年頓增一倍按是時匹至十貫十二

年令止折十之一一云紬折二分絹折三分綿折五分一云紬折八分絹三分十五年詔紬絹匹減一貫十

七年詔匹減爲七千一云七貫乾道五年令夏稅折帛錢權與減半輸納一年本文獻通

考吳江總數皆無考

淳熙十一年夏稅折帛錢七萬三千貫秋苗五萬七千二百石各有奇

文獻通考云紹熙元年秘書監楊萬里上言東南之賦云民輸苗則以二斛輸

一斛稅絹則正絹外有和買而官未嘗給直又以絹估直而倍折其錢按吳江

是年稅額數舊志不載然觀此則其加重於淳熙可知矣

寶祐五年加增苗額其後實徵者有稅管有關子苗米有續管有贍軍米共四項

自一府前後總數之載於盧志者計之寶祐後倍於寶祐時吳江之數無考

元延祐四年經理十四等田糧悉以上中下三等分則起科公田畝五斗三升或六

斗三升七斗三升營田職田皆畝二斗或二斗三升圍田畝二斗六升六合七

今常平田畝三斗五升潘宗裕改科田畝三斗三升白雲宗田畝四斗三升戶
絕義役沒官安養院江浙財賦五等田皆畝七斗三升江淮財賦田畝三斗至
一石五升民田畝三升或五升又每石加耗米五升總夏稅絲三千二百九十
七斤鈔二十一錠一十八兩秋糧米一十二萬九千八百九十七石各有奇後
檢出隱漏田夏稅絲八十五斤鈔二十二兩秋糧米二千七百五十八石各有
奇見史志與
莫徐稍異

按元史世祖取江南命輸米者止用宋斗斛蓋以宋一石當其時七斗故也此
開國仁政不知延祐間尙能遵之否

元季括取民田畝增稅至七斗三升元統二年夏稅絲三千三百八十三斤一十
五兩鈔二十三錠一十五兩秋糧二十二萬二千八百三十四石各有奇見史
志莫

以秋糧數爲延祐二年徐以爲延祐四年疑皆誤又按盧與
徐並以鈔作輕齋置秋糧下秋糧亦並云秋租糧當皆然也

吳元年夏稅絲四萬三千四百九十一兩小麥正耗三千一十六石錢鈔六百六

吳江縣志

卷十二 田賦

十一貫秋糧正耗三十五萬七千八十二石各有奇見盧
志

明洪武二年見墾田地蕩山塘池漚稅糧額官田地科秋糧畝出米一升至一斗

八則一斗三升六合至二斗六則二斗二升五合至二斗八升八合七勺五則

三斗二升至四斗十六則四斗三升至四斗八升五合二勺九則五斗二升至

五斗八升四合三則六斗三升一則七斗三升一則凡四十九則民田地科夏

稅畝鈔四文絲二分五釐至一錢凡六則麥二升三升凡二則秋糧畝三升至

三斗三升凡七則蕩科夏稅畝鈔一文四分四釐至一百三十六文凡十八則

秋糧畝一升三升五升凡三則山科夏稅畝鈔一十五文塘科夏稅畝鈔五文

二分秋糧畝五升池科夏稅畝鈔一十五文秋糧畝三升三合漚科夏稅畝鈔

四文二十文凡二則秋糧畝一升五升八升凡三則仍令正額外麥每石輸三

升五合米每石輸七升克耗又課民種桑樹至一萬八千三十三株株科絲一

錢總夏稅麥三千一十六石絲四萬三千四百九十六兩鈔六百六十一貫桑

絲一千八百三兩秋糧三十五萬七千八十二石各有奇後籍豪右田照私租起科畝五斗至一石二斗凡二百六十則不除破夏稅國初官田無夏稅至是遂併有矣。本史志較

盧王莫其其實徵總數無考屯田徵數亦無考

按續文獻通考張士誠竊據蘇州徐達常遇春等統精兵二十萬攻之數年始下太祖怒其附寇籍沒義兵頭目田及給賜功臣田以收租簿付之有司照租額為稅額立其名曰官田每畝起科至七斗五升民力不能辦而民田則不過

五升起科今以吳江原科田計之官田至七斗五升已極若後所籍豪右田則有至一石二斗者矣其民田亦有至三斗三升者惟最輕者則不過三升

十年稅糧總數與二年同此後凡同者及小異者皆不列。按莫徐二志於此年並云絲二千四百四十一兩有奇疑並脫四萬二字

二十四年夏稅麥二千八百二十八石絲四萬三千四百一十五兩鈔六百四十四貫秋糧四十二萬七千一百四十七石各有奇

按明會典洪武七年詔蘇松嘉湖等府田如每畝起科七斗五升者減半十三

吳江縣志

卷十二

田賦

四

年令減蘇松嘉湖四府重租糧額舊額田畝科七斗五升至四斗四升者減十之二四斗三升至三斗六升者減十之一俱止徵三斗五升以下仍舊今即吳

江一縣計之十年徵數與二年同二十四年秋糧數視二年十年又增七萬豈當時有司不但廢格詔旨而更加之以橫征耶

建文二年詔減蘇松官田賦畝母踰一斗

詔曰國家有惟正之供江浙賦獨重而蘇松官田悉準私稅用懲一時豈可為

定則今悉與減免畝母踰一斗蘇松人仍得官戶部。見明史

永樂十年

史志作二十年夏稅麥二千九百九十七石絲四萬三千八百五十九兩鈔六

百六十六貫秋糧五十五萬一千六百二十六石史志作二千六百石各有奇

宣德五年二月詔各處舊額官田自今年為始每田一畝舊額納糧自一斗至四斗者各減十分之二自四斗一升至一石以上者各減十分之三永為定例後

戶部以抄沒科田不應舊額之義不在減例七年正月從蘇州知府况鍾請

略云江南之民困於重稅咸不聊生今天啓陛下哀憫農人明詔降發減收其田租此為萬世開太平之基而吾民世世與其賜也今戶部吝於出納猶疑以

近額不減之文致陛下失信於民且舊額官田其數不過二四斗而所弗勝者正在舊額也今恩命煥汗天下之民翹首望賜而一旦中輟使民不能無失望焉伏望陛下收獨斷之明特勅戶部俾其終奉前詔毋使聖朝有黃放白微之謠也勅戶部但係官田地蕩池稅糧不分古額近額姑蘇志云凡宋元官田謂之古額悉依五年勅諭減免不許故違於是吳江縣減官

田額十之二者若干畝十之三者若干畝凡減秋糧一十五萬二千四百八十六石有奇是年夏稅麥二千九百九十八石絲四萬三千八百七十五兩鈔六百八十貫秋糧米三十九萬九千二百一十六石桑絲四千四百七十四兩各有奇時桑樹四萬四千七百四十六株又馬草七萬六千二百九十九包重七十萬二千九百九十斤凡官田畝起半斤民田一斤皆每斤折米一升八合本志惟馬草總數本莫志

正統元年令直隸蘇松等處官田准民田起科夏稅絲舊無者畝增科六分五釐秋糧以原額高下定三則自四斗一升至二石以上者畝科二斗七升自二斗一升以上至四斗者畝科二斗自一斗一升至二斗者畝科一斗名為改科田

吳江縣志

卷十二

田賦

五

吳江縣總改田五百一頃一十五畝有奇計增絲一千二百三十兩減麥九十

三石米一萬一千六百七十三石各有奇

本史志惟秋糧改科數從明會典又按莫志云正統三年奏除重額田糧

二萬五千三十石有奇當即奉行元年詔事但米數疑誤年數亦當從徐志作二年

姑蘇志云洪武初官田重額止於七斗三升而今民間乃有一石三斗一石六斗或二石者蓋莫知其所始豈所謂抄沒官田者乎固非定則也宣廟深憫斯民之困特下詔捐減官田重額知府况鍾又累疏奏減吳民賴以稍甦然民間重額今猶未盡除豈當時有司不能奉行詔旨之過耶今按廬志與莫徐二志吳江官田抄沒田共五千九百四十七頃七十九畝此改科田祇五百一頃十五畝有奇則正統之詔當時亦未盡奉行也又按霍冊吳江抄沒官田有科至一石三斗者

是年八月命直隸蘇松等府租稅折金帛每金花銀一兩折米四石金花銀一兩准麥四石棉布一匹准米一石二年吳江縣內庫銀三萬一千二百七兩准米

一十二萬四千八百二十八石三年輸內庫布六萬七千匹准米六萬七千石

本史志

按吳江之以金花銀棉布折糧自此始其夏稅起運無可考故無金花銀准麥數又按明會典徵收篇云洪武十八年令兩浙及京畿官田凡折收稅糧鈔每五貫准米一石絹每匹准米一石二斗金每兩准米十石銀每兩准米二石棉布每匹准米一石苧布每匹准米七斗夏稅農桑絲每十八兩准絹一匹重十六兩三十年更定鈔三貫五百文折米一石金每兩准米二十石銀每兩准米四石棉花一斤折米二斗庫藏篇云內府各庫所掌最大者金花銀即國初所折糧者俱解南京正統元年始自南京改解內庫歲以百萬為額是洪武中折糧銀皆金花銀也乃莫志載金花銀折糧始於天順六年蓋以前徵數無考而闕之也

七年除冊湖田稅糧麥二斗六升絲二十一兩九錢米三百九十八石四斗各有

吳江縣志

卷十二 田賦

奇莫志載正統二年知府况鍾奏除重額田糧數與此同蓋本除冊湖田糧數而莫誤以為除重額田糧也二年疑亦誤計夏稅麥二千

九百四石絲四萬五千八十四兩鈔六百八十一貫秋糧三十八萬七千三百

七石各有奇見史志

景泰五年巡撫右僉都御史陳泰以宣德中免租之詔恩不得均乃推廣調停之

令以五升之田十倍其賦而官田之重者止取正額上下咸便見姑蘇志泰傳十字從史志增

吳江賦增減數無考

按姑蘇志羅汝敬傳云宣德中詔赦常賦三分民力稍紓然富室田多輕額其

重者多屬貧下貧下猶疲弊望均一之惠故泰推廣調停之詳見史鑑論

天順六年夏稅麥二千九百五石絲四萬五千三百四十六兩鈔六百八十三貫

桑絲四千四百七十四兩秋糧三十八萬七千七百一十石馬草七萬八千九

百八包四斤重一百三十萬四千一百四斤每斤折米一升各有奇見史志是年徵金花

銀二萬四千九百九十五兩有奇折糧米九萬九千九百八十石有奇史志繫之七年

成化三年稅糧三十八萬九千七百八十三石是年徵京庫銀二百八十六兩准
麥一千一百四十四石金花銀二萬八千一十二兩有奇折糧一十一萬二千
四十八石有奇

按京庫銀卽金花銀詳見前

按自洪武至成化秋糧莫志皆謂之正糧蓋耗費俱不在內故也

史鑑曰皇朝夏秋稅糧旣爲定制縣分都都又分區區置糧長歲以七月赴部
入狀開寫合徵稅糧謂之供單戶部給據騰照所供數目謂之勘合府縣但坐
派倉分責其徵輸略不復檢察而糧長率在鄉就船裝收人自爲制上下其手
民之弱者所輸視正額倍蓰豪猾者反能持其短長併正額不盡輸若徵收夏
稅尤爲無藝甚有至十數倍者官府莫能較其盈縮焉然國初天子在南京道里
近民不堪者多得上訴輒梟首以令或籍其家故糧長皆畏法稍戢不敢縱陵夷
至永樂間則極矣時天子遷都於北所輸益遠而糧額未減長又以倍數加之雖
竭其入猶不足以供民不能安生往往竄去又責其見在者代償名曰包荒加以

吳江縣志

卷十一

田賦

七

運年大水通政趙居仁治水恥受任無功執不奏蓄徵督如故由是竄者愈衆田
愈蕪稅入愈不克糧長因乘機侵匿納賂上下以道責長與民交病矣戶部以輸
運不時遣官屬至縣督之榜笞慘酷凡道中帕首械手足者皆糧長也自度傾家
莫能償乃相率虛張米數妄報起解使者據津要以臨其過則雇米商之船或用
船載土上覆以米僞應之逮行一二日則賂部糧官吏部糧官吏亦知其非實且
欣於得賂陰縱使間道脫回皆苟紆目前求其到倉者十纔一二也自是人益玩
法習以爲常累年無有能清之者官府亦無如之何第上下相爲掩匿以避文法
云仁宗在東宮知其弊逮臨御天下因詔赦永樂十九年十二月終以前拖欠稅
糧及有報在官未曾送納者盡行蠲免然以後者猶欠自若也於是楊三賈通關
事起矣楊三者嘉定人能刻僞印因虛出各倉通關凡諸負欠者競買以塞責官
府追鞫辯驗莫能明倉官坐繫死者甚衆後事敗楊三亦誅死宣德七年勅減糧
額疲困之民稍蘇息矣而周文襄公以工部右侍郎巡撫南畿謂糧長收糧散在

鄉里操縱自由縣官無從約束以革其侵橫之弊乃先以戶部坐下各府起運倉糧分派各縣酌量斗斛費道里舟車費總爲數若干然後驗正糧以起贈數名曰平米又以人戶合納米數填帖印記給之俾其查照曰青由然初尙加倍久稍稍殺之有至加六者矣又以夏稅農桑絲散碎病民用秋糧餘米包辦惟馬草則隨糧徵焉每斤折米一升八合後亦漸減縣各置水次倉場一總收貯起運官爲監視稽其出入凡斛斗皆較勘相同燒鐵烙之以防其換易遇有坐辦折糧銀布米貴則收折色高價以利農人米賤則收米貴糶以平米價由是權歸於上糧長無容售其姦民皆樂輸而一時官屬有刑部謝郎中者尤清謹愛民盡心佐理勞來不倦民甚德之無追逮笞繫之苦累年皆清大小咸知有生人之樂當此之時年穀屢登米豐價賤家給人足人人皆重犯法然適與減糧會故易爲可集事使當時仍舊額以徵雖立法之善未必其所就能如是也然則上之恩厚矣又有起運所餘曰撥贍支銷所羨曰積出皆別貯以充公用凡修理公廨建

吳江縣志

卷十二

田賦

八

造橋梁賑濟飢荒陪補遭風糧之類悉於是焉給之皆直受巡撫官指揮不關由戶部矣歷年既久所積轉多然而權要請求典守欺匿下至浮屠老子之官亦因時濫及焉景泰元年有彭守學者告其事戶部尙書金公濂從中發之遣員外郎黃琛等鈎較務爲深文雖赦前不宥操鏃刻忍虐焰可畏自文襄公以下皆遭其捃摭惟勢家則釋不問也由是破產者甚衆刑部尙書楊公寧郎中王偉文章論列以爲擾民生患乃詔停之而文襄公得致仕矣七年巡撫直隸蘇松等處都察院右副都御史鄒公來學又令別徵夏稅及農桑絲麥每石加贈三斗五升絲每兩折收銅錢二十五文是年右僉都御史陳公泰代之以官田糧太重民田糧太輕然富家多占民田惟官田始爲貧家有也乃議以正糧六斗以上免其加贈自此下每一斗次第而增至一斗以下則十倍之矣又懲羨餘之患設足以起運卽斥其餘以辦馬草不更賦於民民甚便之而官無儲焉天順元年詔革各處鎮守巡撫官惟南直隸特設都御史以總理糧儲時吏部尙書李公秉憲來講求

前法以夏稅多富家民田所科而使貧家以官田加米代償非理之所宜然別徵則又繁苦殊甚乃令夏稅農桑馬草皆折米與秋糧同納使民皆易曉而糧里輩不能多科矣四年巡撫右副都御史崔公恭仍照舊以一則加贈不論正糧斗則

俱加民置然不便之五年右副都御史劉公孜又以陳李二公所定酌為四則正糧六斗以上加贈一斗四斗以上加四斗一斗以上加五斗五斗以上加一石二斗後亦稍有增減仍包辦夏稅之類成化

四年左僉都御史邢公宥又徵稅麥每石加贈五斗八年左副都御史畢公亨以折糧銀官價一兩准米四石時價值二石以上本以利農人而為糧長富家所侵牟

小民多不得利乃議減為三石既平其價又取其羨餘以補加耗故贈米號為最輕豪富不復爭民均受其惠矣十二年今左副都御史牟公以折糧銀仍准

米四石十三年又令賦與貧民及田稻遭傷者是年知縣馮衡朝京師而豪黨與吏為市率視賄輕重為受銀多寡詭名巧取其弊不可盡述也十四年仍令

收米時正糧六斗以上止徵正米四斗以上加贈一斗六斗以上加贈一斗六斗以上加三斗五斗以下加一石一斗官自易銀收其贏以

吳江縣志

卷十二

田賦

減贈米視前為尤輕矣今按明初百餘年徵解之弊大吏劑量補救之法備見於此錄以為論世者考云

弘治十六年夏稅麥二千九百石絲四萬五千三百兩鈔六百八十貫桑絲折絹二百四十匹秋糧四十六萬一千八百六十石馬草七萬八千九百包各有奇

按贈米自景泰末至弘治間漸減而輕是年正米約三十九萬石弱餘七萬一千八百石有奇則為贈米蓋每正米一石約加贈一斗八升弱也

嘉靖初夏稅麥二千九百五石絲四萬五千三百四十六兩鈔六百八十三貫桑絲折絹二百四十八匹一丈秋糧三十八萬七千七百一十石馬草七萬八千

九百八包四斤各有奇

嘉靖十七年知府王儀清理田糧冊原額正米三十八萬七千七百一十石八斗一升八合六勺內除公占田及原勘續勘湖田正米八千八百六十九石一斗六升八合六勺實該正米三十七萬八千八百四十一石六斗五升內止徵

正糧蕩漙正米九百一十一石四斗九升九合六勺原免科加耗六斗以上田
正米一萬四千九百二十六石五斗八升五合七勺今免科加耗五斗以上田
正米一十二萬二千一百七十石三斗四升七合八勺該科加耗四斗以上至
一斗以下田正米二十四萬八百三十二石二斗一升六合九勺耗米一十萬
八千五十六石九斗六升八勺八抄按該科加耗田每畝科耗米一斗二升總
數如上內餘一升有奇者以當時先通算
耗脚糧總數然後照畝
料耗故不無小參差也又夏稅麥折米二千二百四十六石六斗六升二合一
勺科租召佃增收等米三千七十石四斗五合二勺通計平米四十九萬二千
二百一十五石六斗七升八合一勺八抄議將金花等銀哀益扣算每銀一兩
均准平米二石減派米五萬四千一百四十三石七斗二升四合五勺八抄實
用起存平米四十三萬八千七十一石九斗五升三合六勺奉例清查於原額
內除覈實公占田正米一百石五斗四升五合五勺埒湖田正米五千六百五
石三斗二升四合七勺積荒田正米一萬四千一百四十石一斗二升四合四

吳江縣志

卷十二 田賦

勺共一萬九千八百四十五石九斗九升四合六勺於原除內清出改正田正

米二千五百七十石三斗一合八勺按清查後正米每畝三斗三升三合四撮
三圭二粟三顆改正田二十一頃六畝四

分四釐三毫止該正米七百一石四斗五升四合六勺有奇而此浮一千八百
六十八石八斗四升七合二勺蓋隱其田而徵其米也其時又清出捏報公占

埒荒田正米一百七十三石一斗一升二合五勺不入正米總額內則隱其田
而并隱其米矣此皆不能無弊詳見田蕩篇又按此改正田正米外原除正米

六千二百九十八石八斗六升六合八勺
即皆併入所除覈實三項田正米內作數實該正米三十七萬四百三十五石

一斗二升五合八勺計原額加清出改正一
項除覈實三項得此數內止徵正糧蕩漙正米九百一十

二石四斗九升九合六勺肥瘦相等田正米三十六萬九千五百二十二石六

斗二升六合二勺每畝攤正耗米三斗七升六合按合肥瘦相等田額及正米
額計之每畝該正米三斗三

升三合四撮三圭二粟三顆則耗米該四升二合九勺九抄五撮六圭七粟七
顆此肥瘦相等田共該耗米四萬七千七百一十石七斗一升八合六勺蓋前

原免科加耗今免科加耗二項田至是亦
均科加耗而耗米則較前減三之二矣該平米四十一萬七千二百三十三

石三斗四升四合八勺徐志云內隱米一萬五百九十一石
七斗六升九合九勺誤說見田蕩篇另項科麥地原麥

一千一百二十六石八合三勺議與秋糧田一例每畝派徵正耗米三斗七升

六合該平米一萬三千六百三十五石一斗二合七勺又科租田地蕩租米五千四百七十四石二斗八升一合一勺共實徵平米四十三萬七千二百五十五石二斗二升八合二勺通准夏稅小麥絲鈔農桑絲秋糧馬草戶口鹽鈔義役馬役水夫工食祇應修船等項不復別徵內該本色米二十三萬一千七百四十五石二斗七升九勺折色銀一十萬二千七百五十四兩九錢七分八釐七毫准米二十萬五千五百九石九斗五升七合四勺每平米一石派徵本色米五斗三升折色銀二錢三分五釐

按夏稅小麥絲鈔農桑絲及馬草及戶口鹽鈔義役馬役水夫工食祇應修船等項自明初至嘉靖或分項另徵或以耗米羨餘包辦時輒更換而姦弊仍多故王冊悉歸併秋糧項下通徵又總計正耗不分官民田一體均攤且驗派止分本色米折色銀二項使簡而易知莫可增減蓋一時救弊之良法也自此而後遂爲定例行之至今其詳見經略類又按霍冊云官田民田之賦偏枯特甚

吳江縣志

卷十二

田賦

十一

民至有聞官田之名而却走不敢認業者王君力爲更張不分官民田一體均派蓋嘉靖中民田爲豪家所占而官田反爲貧家有已非一日欲輕官田賦以惠貧民自不得不重民田賦以抑豪民也是後官田不異於民田而官田之名亦遂泯矣

十九年至三十五年續增平米六百七十九石三斗三升九合五勺

徐師曾曰邑中賦稅輕重不均易主之後照戶推收而圩田原額竟置不講故愚民求售往往以重作輕徒知邀一時之高直而不顧後世子孫之害吁弊也久矣自我王公釐正之後加以攤耗之法由是戶無虛糧人有成算信世守之度也但其中欺隱之弊亦不能無又另項科麥地平米若干科租田地蕩租米若干俱未入會計其後續增平米若干合止徵正糧蕩漚米肥瘦相等田米科麥地米科租田地蕩米新增告佃升科米五項共實徵平米若干除起存用米若干餘米一萬四百三十五石有奇旣不上供徒爲虛費嗚呼東南民力竭矣

寬一分則民受一分之賜爲人上者苟能以其羨餘磨入會計以足國課則每畝實徵必有升合之減以少甦疲困之民特在乎加之意而已余於良牧深有望焉

三十三年加編練兵銀一萬二千二百九十二兩六錢一分三釐七毫有奇見康熙中府志
按此項乃稅糧與徭里分編者詳徭役篇

三十六年加編工部四司工料銀四千一百二十六兩八錢三分二釐見萬曆末賦役至書

萬曆十六一作七年知府石崑玉刊經賦冊額徵平米四十三萬八千五百九十九石四

斗三勺內除減則荒糧一千二百九十五石五斗八升九合一抄不派本色折銀緩徵外實徵熟平米四十三萬六千七百六十三石八斗一升一合一勺有奇每熟田平米一石徵本色米四斗九升八合七勺四抄四撮三圭三粟四顆七粒折色銀二錢三分六釐二毫三絲六忽三微九纖二沙六塵五埃每荒糧平米一石徵折色銀四錢八分五釐六毫八忽五微六纖共徵本色米二十一

吳江縣志

卷十二

田賦

十一

萬七千八百三十三石四斗七升六合四勺折色銀一十萬三千一百七十九兩五錢七釐二毫又荒糧折銀六百二十九兩一錢四分九釐一毫各有奇以上止徵平米四十二萬五千四百五十石七斗八升九合一勺有奇計減平米一萬二千六百八石六斗一升九勺有奇見霍冊

按霍冊此巡撫周某巡按李某兵道李某軫念民困檄本府將一府起存歲用等項照糧驗派本折二項俱盡數而止而歷年奉文減免者亦復盡數查出減免毫釐勺合竝無派剩計通府減平米七萬一千三百二十九石有奇吳江得減若干如上數蓋每平米一石省米一合一勺省銀一分一釐三毫也又按練兵銀石

冊亦在見萬曆末賦役全書平米驗派

二十年征東募兵每畝加編銀三釐見府志

按此項亦稅糧與徭里分編者詳見徭役篇又按明史萬曆二十七年閏四月以倭平詔天下除東征加派田賦而萬曆末賦役全書此項於三十一年以後

始陸續裁減至四十八年始汰盡蓋亦有司奉詔不力之過

二十一年蘇松常鎮四府會議役扛書冊加派貼役銀三千六百七十七兩七錢

二分三釐九毫解扛銀一千三百五十九兩六分二釐四毫各有奇本簿曆未賦役全書

按當時議本色米加貼役銀折色銀加解扛銀酌定各衙門交納之難易編派

役扛之重輕最為適均

四十六年知縣霍維華清丈田蕩定九則起科平米上上田畝科三斗六升六勺

六撮九圭上上減上中田上中蕩畝三斗上上減上下田上下蕩畝二斗五升

上上減中上田中上蕩畝二斗上上減中中田中中蕩畝一斗五升上上減中

下田中下蕩畝一斗下上蕩畝七升下中蕩畝五升下下蕩畝三升除減免原

重則田平米六千九百八十五石八斗五升三合三勺計實徵上上田平米三

十九萬九千六百三十七石五斗五升八合四勺上中至中下五則減荒田平

米七千五百五十三石七斗上中至下下八則蕩平米一萬六千八百八十八

吳江縣志

卷十二

田賦

十三

石八斗一升二合六勺減荒緩徵米六千九百八十五石八斗五升三合三勺

通計平米四十三萬一千六十五石九斗二升四合三勺該本色米二十萬一

千五百五十七石六斗六升八合七勺折色銀一十一萬四千七百五十五兩

七錢九分二釐八毫各有奇另編練兵銀九千八百六十二兩九錢一分六釐

五毫遇閏加編貼役銀三千六百六十六兩二錢二分四釐六毫解扛銀一千

三百六十八兩八錢三分四釐四毫各有奇見霍冊內原無平米驗派本折等細數

霍冊云原平米四十三萬八千八百五十一石九斗六升七合八勺科田每畝

科糧三斗七升六合今清查弊隱併陞科米除抵補開豁埭湖田蕩糧米八百

八十九石八斗外餘米一萬餘石申允攤減科田又會計內派剩米六千九百

九十石有奇申允截去每科田一畝減米一升五合三勺九抄三撮一圭今上

上田每畝科糧三斗六升六勺六撮九圭該平米四十三萬一千六十五石九

斗二升四合三勺內原減荒糧七千三百三十石六斗四升三合今勘減三百

四十四石六斗七升二合八勺實存荒糧六千九百八十五石九斗七升二勺
查照近奉申允事例不派本色每石折銀五錢編入末限緩徵今按開豁冊湖
糧固有惠於民而以清查弊隱并陞科米及截去派剩米攤減科田與約三十
四則爲九則二事尤通邑大利至今均霑宜當時頌德之深也

是年加派遼餉銀每畝三釐五毫

此及下條見明史食貨志

四十七年又加派遼餉銀每畝三釐五毫

四十八年蘇松道尹申刊定賦役全書原額徵平米四十三萬八千五百九十九石四
斗三勺除知縣霍維華清丈田蕩減免概縣重則田上平米六千九百九十石
一斗四升五合二勺實存平米四十三萬一千六十九石二斗五升五合一勺
內除減則荒糧平米六千九百八十五石九斗七升二勺不派本色折銀緩徵
外實徵熟平米四十二萬四千八十三石二斗八升四合九勺遵起存歲用錢
糧實數驗法儘派每熟田平米一石派徵本色米五斗四合八勺四抄六圭四

吳江縣志

卷十二

田賦

十四

粟九顆六粒折色銀二錢四分五釐五毫六絲二忽二微六沙六塵一埃一渺
二漠每荒糧平米一石派徵折色銀四錢八分九釐九毫七忽四微一纖二塵
一埃五渺通計本色米二十一萬四千九十四石四斗八升一合折色銀一十
萬七千五百六十一兩三錢五釐七毫各有奇另項帶徵練兵銀一萬一千三
百四十七兩二分八釐有奇於實熟平米上每石徵銀二分六釐七毫五絲六
忽六微二沙九塵九埃五渺三漠貼役銀三千六百七十七兩七錢二分三釐
九毫解扛銀一千三百五十九兩六分二釐四毫各有奇並於實熟平米上每
石徵銀一分一釐八毫七絲六忽八微八纖二塵四埃二渺七漠

見條
役篇

另項帶徵條里等銀數詳

按自清理田糧冊以後諸書額徵平米本折色數實皆以次相承其先後多寡
不同者以中間屢有陞增坍沒及加編裁汰之屬故也今雖搜采略備而缺漏
仍不免聊以存歷朝田賦因革之大端耳

九則田蕩驗派法

上上三斗六升六勺六撮九圭田一畝派本色米一斗八升一合九勺九抄六撮

四圭六粟五顆四粒內兌軍民運米一斗七升一合二勺三抄八粟四粒折色

銀八分九釐八絲二忽七微四纖九沙四塵五埃另編練兵扛役銀一分四釐

七毫二絲九忽三微六纖九沙九塵八埃七渺

上中三斗田一畝派本色米一斗五升一合四勺八撮四圭七粟一顆七粒內兌軍民

運米一斗四升二合四勺二抄九撮一圭二粟一顆九粒折色銀七分四釐一

毫一絲六微八纖六沙二塵八埃另編練兵扛銀一分二釐二毫五絲二忽

七微三纖三沙九塵

上下二斗五升田一畝派本色米一斗二升六合一勺七抄三撮七圭二粟六顆

四粒內兌軍民運米一斗一升八合六勺九抄九圭三粟四顆九折色銀六分

一釐七毫五絲八忽九微五沙二塵四埃另編練兵扛銀一分二毫一絲一

吳江縣志

卷十二

田賦

十五

忽四微四纖四沙九塵一埃九渺

中上二斗田一畝派本色米一斗九勺三抄八撮九圭八粟一顆一粒內兌軍民

四合九勺五抄二撮七圭四粟七顆九粒軍儲恤折色銀四分九釐四毫七忽

一微二纖四沙二塵另編練兵扛銀八釐一毫六絲九忽一微五纖五沙九

塵三埃五渺二漠

中中一斗五升田一畝派本色米七升五合七勺四撮二圭三粟五顆八粒內兌軍民

運米七升一合二勺一抄四撮五圭六粟九粒軍儲折色銀三分七釐五絲五

忽三微四纖三沙一塵五埃另編練兵扛銀六釐一毫二絲六忽八微六纖

六沙九塵五埃一渺四漠

中下一斗蕩一畝派本色米五升四勺六抄九撮四圭九粟六粒內兌軍民運米

七抄六撮三圭七粟四顆軍儲恤孤米二折色銀二分四釐七毫三忽五微六

合九勺九抄三撮一圭一粟六顆六粒

織二沙一塵另編練兵扛銀四釐八絲四忽五微七纖七沙九塵四埃七渺

六漠

下上七升蕩一畝派本色米三升五合三勺二抄八撮六圭四粟三顆四粒內兌軍民

運米三升二合二勺三抄三撮四圭六粟一顆八粒軍儲恤孤米二合九抄五撮一圭八粟一顆六粒 折色銀一分七釐二毫九

絲二忽四微九纖三沙四塵五埃另編練兵役扛銀二釐八毫五絲九忽二微

四沙五塵七埃七渺三漠

下中五升蕩一畝派本色米二升五合二勺三抄四撮七圭四粟五顆三粒內兌軍民

運米二升三合七勺三抄八撮一圭八粟七顆軍儲恤孤米一合四勺九抄六撮五圭五粟八顆三粒 折色銀一分二釐三毫五

絲一忽七微八纖一沙五埃另編練兵役扛銀二釐四絲二忽二微八纖八沙

九塵八埃三渺八漠

下下三升蕩一畝派本色米一升五合一勺四抄八圭四粟七顆二粒內兌軍民

四合二勺四抄二撮九圭一粟二顆二粒軍儲恤孤米八勺九抄七撮九圭三粟五顆 折色銀七釐四毫一絲一忽六纖

八沙六塵另編練兵役扛銀一釐二毫二絲五忽三微七纖三沙三塵九埃

吳江縣志

卷十二

田賦

十六

是年又加派遼餉銀每畝二釐以下四條見明史

明史曰萬曆中年三大征接踵四十六年驟增遼餉三百萬內帑充積帝靳不

肯發戶部尚書李汝華乃援倭播例畝加三釐五毫明年復加三釐五毫明年

以兵工二部請復加二釐通前後九釐增五百二十萬遂為歲額見食貨志今按此

為九釐地畝之始

崇禎三年加派遼餉銀每畝三釐按明史食貨志崇禎三年軍興兵部尚書梁廷棟請增田賦戶部尚書畢自嚴不能止乃於九

釐外畝復徵三釐廷棟傳同

八年加派助餉銀每兩一錢按食貨志總督盧象昇請加宦戶田賦十之一民糧十兩以上同之既而概徵每兩一錢名曰助餉

十年加派剿餉銀每畝輸糧六合折銀四釐八毫又畝加徵一分四釐九絲按明史剿

餉銀之加派乃從楊嗣昌之議詔止徵一年後餉盡而賊未平詔徵其半既又因張伯鯨之請全徵語見嗣昌傳剿餉銀食貨志謂之均輸法

十二年又加派練餉銀每畝一分見明史十四年詔免見府志

明史曰自神宗末增賦五百二十萬崇禎初再增百四十萬總名遼餉十年徵

剿餉二百八十萬十二年增練餉七百三十萬先後增賦千六百七十萬民不聊生益起爲盜見楊嗣昌傳其言雖通論天下而吳江亦可推知矣

十三年加派操江兵餉銀一百八十九兩二錢八分解費銀三兩七錢八分五釐

六毫見順治十四年賦役全書

按賦額洪永時最重由官田照私租起科也宣正間遞減雖稍輕猶重周文襄嘗請官田照民田起科戶部不允至嘉靖十七年均攤法行乃以官租攤入民田是官租轉輕而民賦加重矣又文襄懲糧長侵牟之害酌運費以起贈數則正賦之外又加增焉然正自正耗自耗猶冀其或減也至均攤時合耗米科加而耗亦爲正矣又正統初命秋糧改折每金花銀一兩准米四石折價甚輕故賦額雖重得藉以稍平後改折每石自三錢三分至一兩不等合算取中則徵五錢然視正統已加倍况其後又在一兩以上乎加以雜賦悉徵銀於是銀之數日溢而火耗滴珠竝由茲起矣凡此皆賦法變更之大端故縷述以爲留心

吳江縣志

卷十二 田賦

世事者諗焉

卷之十三

田賦二 額徵

大清順治二年 詔田賦悉照萬曆時舊額其明季無藝之徵盡除之以下六條本順治十

四年全書及康熙間府志

按九釐地畝銀隨 詔減免操江兵餉銀後免編撥所裁備用銀抵解

三年巡撫都御史土國寶題行白糧官運加編總協部公費工食銀二千六百八

十五兩七錢七分一釐按府志是年官解白糧編徵官解折色經費每正銀一兩別徵銀二分爲領解員役沿途盤費募船水

脚銀一萬三千九百一十四兩八錢六釐八毫又加編院道各衙門經費俸工

銀一千四十六兩一錢一分又加編工部物料折色銀一千六百一十三兩九

錢七分三釐七毫蘇太鎮三衛軍器料銀八百九十二兩二錢五分九釐 胖

十兩一錢七分四釐三毫 澳料銀一百三十一兩五錢四分四毫 箭弦料銀五百九

